

AD CARDINALITIAM.

QVÆSTIO MEDICA.

345

Matutinis excutienda disputationibus die Iouis 17. Aprilis in scholis Medicorum Parisi. D. Michaële Marescot medico Regio moderatore prudentissimo.

Est ne methodus medendi medicamentorum varietate potior?

METHODVS medendi id est, in arte medica, quod forma in materia, animus in corpore, lex & magistratus in republica, ordo in exercitu. Ea non sola obseruatione, vt empirica (cuius etiam nomine planè indigni sunt hodierni ἀπειροι) non per communitates εγγωνων, καὶ φίλων, vt methodus Thessali, sed per indicationes curadi rationem præscribit, tandèmq; experientia confirmat. Est autem indicatio ἡμ φασις, seu φῶς καὶ λαμπρότης, & mentis lumen, quod per cognitionem causæ, naturæq; morbi remedium veluti digito indicat. Generalis autem indicatio est cōtrarietas. Vt enim natura & vires similibus seruantur, sic morbus contrariorum pari excessu, non similibus (vt nugantur paracelsici) profligatur. Particulares verò indicationes sumuntur à natura morbi, ægri temperamento, viribus, consuetudine, vitæ instituto, regione, anni tempore, coeli constitutione, parte affecta, & ætate, quæ in senibus & pueris mitti sanguinem non prohibet.

AT verò scopi therapeutici, quibus indicationes illa in actum educuntur, varij sunt & multiplices: victus ratio, quæ circa statum non semper tenuior esse debet: communium excrementorumeductio, quæ enematis, quibus etiam nutriendi vis inesse potest, commode perficitur: Sanguinis missio κατ' ἔξιν, & factio morbo nunquam ex distantissima parte imperanda. Purgatio facilis, & blanda: coctio humorum non turgentium: purgatio plenior, quæ interdum etiam crudis humoribus citra ὀρθραὸν utilis esse potest. Reuulsio, deriuatio, vacuatio simplex, quæ in pleuritis & inflammationibus internis primo quoque tempore simul fieri debent. Reliquiarum cōsumptio, tandèmq; partium corroboratio. Homerica verò medicatio vt vana & superstitiosa, ac ridicula omnino omittenda.

MEDICAMENTA in arte medica sunt velut materia, vel potius instrumenta. Medicamentum verò dicitur quod naturam nostram immutat: Aliud actū, aliud sola vi & facultate, aliud qualitate manifesta, aliud occulta, quod illi semper est postponendum: Aliud ὑποκρίνον, aliud καὶ ἀπλεκόν. Aliud simplex, vt rola, absinthium, quanquam nihil tale natura, hæc enim varias substantias & qualitates miscuit, quas arte chymica omninò separare velle, est rerum naturam deprauare & corrumpere: aliud compositum, vt theriace. Simplicium facultates aliæ primæ, scilicet calor, frigus, humor, siccitas, quarum gradus (apud medicos) quatuor. Aliæ secundæ, quæ ex materiæ conditione temperamenti vi persula oriuntur. Aliæ tertiæ, quæ facultates & proprietates totius substantiæ, quæ nihil est aliud quàm certus temperamenti modus & ratio, continent.

EX omni ferè re medicamenta depromuntur: Ex vegetabilibus & animalibus, quàm ex mineralibus, & meliora & tutiora. Varijs formis exhibentur: Interdum integra, vt rheum, nunquam torrefaciendum, interdum infusa, expressa, decocta, vnde apozemata, Iulepi, & serapia extractis recentiorum multò præstantiora, naturaq; nostra magis amica. Distillata vero nulla cathartica. Instaurantia infusione, vel coctione potius, quàm distillatione paranda. Sales omnes caustici. Chymica ferè omnia, dum depurari dicuntur, naturam vim amittunt caloremque igneum nostro minimè analogum acquirunt: vnde eos qui ijs frequenter vtuntur ὀλιγοχρόνους effici, Crato, aliter chymicorum deus, scripsit.

METHODVS medendi, qua sola medicus herbarijs & pharmacopæis præstat, & medicamentorum varietas medico cognoscenda: quin & medicamenta sæpè mutare expedit, non modò propter affectuum varietatem, sed & propter ægrorum ἰδιοσυγκρασίαν. Incidunt tamen sæpè tempora, quibus medicamentis nullus ferè est locus: paruos morbos natura per se curat: plerique morbi non sunt curandi, vt hæmorrhoides, varix, arthritis: quin & sæpè excitandi, vel nouandi & augendi sunt: interdum viles, vt quartana. In contumacibus morbis sæpè remedia omittere, & feruarii medici iubentur. Methodus verò curandi nullo non tempore requiritur. Nam etsi quosdam, quibus ars non profuit, temeritas adiuuit, nunquam tamen fortuita, fallaxque curatio medico instituenda, sed λογιστὴν μέθοδος perpetuò sequenda & amplectenda est.

Ergo methodus medendi medicamentorum varietate potior.



Afferebat PETRVS LE MARESCHAL Cœnomanenſis Bonestabuleus, Anno Domini 1603.